

老里八早

粮油店告豆面店

文 / 任向阳

讲起粮油店，市区个老朋友倂晓得个；话起豆面店，乡下头个过来人倂忘记勿脱。

掰两种店呢，有两个共同点：第一，倂有得卖馄饨皮、面条啥个面制品。第二，打烊辰光倂要上排门板。勿同个地方呢，讲起来交交关【很多】。

粮油店开辣市区，门面辣周围居民比较多个中小马路边浪，进货用个是卡车、“黄鱼车”，弄堂里墙门里大楼里个居民顶多十来分钟就好到了。店个名字或者叫某某区第几粮油商店，或者是某某区加上所在个路名冠拉粮油商店前头。居民拉习惯简称“粮店”。粮油店归粮食局领导，有个店牌子前头有“国营”两个大字。豆面店开拉郊区集镇个街路【小商小店一条小街】

浪向，大部分靠近河浜，进料取水倂蛮方便，进货靠挑担、拖车。豆面店既没明显个店招，当地人一般省略地名，直呼“豆面店”。豆面店属于当地公社【相当于乡镇】个商业组织供销社，是合作商店，职工一般是“集体”编制。

粮油店卖米是主业，大米、洋粳米，节日里向也卖糯米。店里个设备比较先进，卡车拿成包个米卸到大池里，店员开动电动售米机拿米吸到两个人高个铅皮大斗高头，再通过管道开通闸口让米落到桡桡里向过磅，份量称足准了，顾客只要张开来袋候拉出米口，米就会哗咋个泻到袋里。不过伊个辰光买米要凭粮卡，还要排队。粮油店还有面粉、糯米粉卖，面条、馄饨皮是面制品工场做了装过来个，去晏【e,迟】了就买勿着。不过卷子面日

向。轧面机拿面胚轧了薄一眼、手切了小一眼，就是小馄饨皮子；换一档添糟刀，轧出来就成面条。掰个辰光，一清早就有人拷仔篮子来排队，面条、馄饨皮、小馄饨皮子最热门。豆面店个豆制品全部现做现卖，柜台就是几块简单个排门板，一直贴到靠街沿。豆腐一版一版叠拉架子浪、豆腐干丝像一圈绞花摆放拉竹匾里，还有一大竹匾个酱油豆腐干、一大桡桡个油墩子【油豆腐】，一大木桶个豆腐浆。豆面店个师傅晓得当地人个口味，豆腐做得来又厚又大，勿老勿嫩，烧荠菜肉丝豆腐羹最好吃；油墩子发得油光锃亮，香扑扑、胖笃笃，烧油墩子嵌肉，就会得汁水收得足，肉圆芯子又鲜又嫩。掰个油墩子有个人还喜欢买了就抓到嘴巴里吃，杀杀馋痨虫。掰个辰光镇浪居民有粮票，

远开一点

“轮流坐庄”

文 / 彭端高

“轮流坐庄”，说的不是斗牌、搓麻将，而是放电影。

在村里，放电影是一件大事。我们大队共 11 个生产队，加上大队部，正好是 12 片场地，大队就作出决定：一年 12 个月，全大队一共要放 12 场电影；各队“轮流坐庄”，不许轮空。什么叫轮流坐庄？就是轮流出钱包场的意思。行情是，包一场电影，付给放映队 20 元钱，还要给两个放映员各备一包香烟，每人两角钱夜宵补贴。

20 元包场的标准内容是，“一部真片搭一部假片”。我们村里人，把两个钟头左右的故事片称为“真片”，而把一刻钟长短的纪录片科教片称为“假片”。开机放“假片”时，人还是散散落落的，大家跑来跑去，看不看无所谓；待到放故事片时，人们发一声喊：“上真片了！”大家才正襟危坐，把眼光隆重地落在银幕上。

当然，也有个别村胃口特别大，向放映队提出要“放两部真片搭一部假片”的。那个价钱，包一场就要 30 元钱了。30 元不是一个小数，富队也许不在乎，穷队就得考虑考虑了。但不管怎么穷，每月一场电影总是要包的，否则，自己村一直不放，村民一年四季到外村去揩油看电影，队长必定要被众人戳背脊骨、骂小器鬼。

小人书，大学问

文／沈寂图／范生福、范思田



连环画的发源地是上海，连环画是海派文化中影响最大，销路最广，历史悠久的文化瑰宝。

连环画是中国人的启蒙读物，是世界仅有的以画为主的精美文化。多少人从连环画中知道中华民族的历史故事、民间传说，学到历史人物中忠、孝、节、义的为人之道；也从连环画中阅读到中、外名著内容，读者从学龄前的幼儿到白发苍苍的老人，人们称它“小人书”，因为小读者多，上海街头巷尾都有“小书摊”，孩子们花两个铜板看一套，百看不厌。“小人书”里有大学问，有不少大文学家也看过“小人书”，从中获得启蒙。

沪语趣谈

三脚猫

文 / 张力平

苏浙沪一带流行“三脚猫”掰一俗语，一般比喻“对各种技艺略知皮毛个人”，或形容“水平不高”、“粗浅”、“蹩脚”、“技术勿到位”、“半瓶水”，也可比喻“新奇罕见个事物”。

关于“三脚猫”一词个出典有多种说法。有人认为伊最早出自元末明初陶宗仪个《南村辍耕集》，文中讽只有三只脚个猫，却被人当成飞熊。而明人郎瑛辣《七修类稿》记载，有三脚猫一头，极善捕鼠，而走勿成步。“三脚猫”一词成了“做事技艺勿精”个意思了，并一直沿用至今。

不过，“正规”个“考证”则认为“三脚猫”掰一俗语来源于“三脚锚”。相传清代光绪年间，一武林高手常辣上海十六铺江边卖艺，伊十八般兵器无所勿精，最后一招即提举起江边个铁锚当做武器表演。艺人走后，许多人即上前试提铁锚，但均败下阵来。铁锚有三只脚，于是，社会浪便戏称某种

沪语童谣

洋媳妇

创作 / 王森

猜猜新娘啥亮相，猜来猜去猜勿准——金黄头发蓝眼睛，哈罗哈罗外国人。

闲话闲画

暖锅、电热锅、电磁炉

文图 / 阿仁



冷天一到，老底仔个上海人就要从灶披间里寻出暖锅来。上海人所讲个暖锅，就是京式个紫铜火锅。一只做工考究一点个暖锅辣老上海要卖老价钿个。屋里向能够搬出一只紫铜做个暖锅来请客，主人家就显得派头十足。生旺一只暖锅是有点技术含量个。木炭到煤球店去买质量最好个。勿但火头旺还经得起烧个木炭，上海人叫伊为钢炭。要烧红木炭个偷懒办法是拿伊放到煤球炉里去烘一歇。炭条红了，放进暖锅正中央个锅膛，还可以套上一只长个铅皮烟囱来拔拔火头。吃暖锅就是吃大杂烩，荤个、素个、生个、熟个都可以放到锅里去煮一通。锅底可以铺上一层白菜帮子，咸肉、鲜肉、鱼丸、肉丸、河虾、肉皮、冬笋、笋干、油豆腐、开洋、鱿鱼……依想吃啥就放啥进去。切成薄片个，

海东路一带有交关热气羊肉个火锅店，伊拉用个锅子就是京式铜质火锅。一排生摆辣店门口烧得通通亮，是小吃街浪个一道火热风景线。

日脚过得最推扳个辰光，我还用过“热得快”来假冒过暖锅。两根、甚至三根大号“热得快”浸到钢宗锅里来加热汤水。吃相是难看个，效果还可以。台子浪要拖出好几根电线下来，危险得吓人。伊个当口，为了解馋，死人勿管了。

2.上海闲话对\_\_\_\_，用“【gha】搭搭”来形容。

A.心里平静踏实 B.慢吞吞，很心定 C.心情急切，急迫 D.做事没劲，态度消极、不爽快

3.上海人形容\_\_\_\_，用“【xi】夹夹”一词。

A.轻浮不持重；炫耀 B.热情高；不炫耀 C.夸下海口 D.不轻浮；很稳重

答案见下期